

天啓

皇華集

二十五

皇華集卷之四十九編目

崇禎六年癸酉奉安島衆聯屬國勅使二

宗廟六辛癸酉宋安慶宋徽宗
皇華集卷之四下

皇華集卷之四十九

謝送行宴

程龍

使館頻筵禮數誠時逢海汭懇畱旌玉梅漸吐臨東
渡紅杏含葩又返征

謝餞欣逢吳議政

禮意殷懃遣重臣溫良恭儉事經綸備陳邊事惟忠
義桃李門牆奕世新

謝郊外遠餞

春風滿座酒盈盈柳色輕青送遠行謾道主人情意
篤東藩忠義更昭明

郊外別館中四陪臣

客邸風光勝去年今朝乍別艷陽天臨行勒馬難分袂那更波聲咽渭川

蒙諸縉紳贈詩百首時值趣裝馬首西向不能一一攀和權賦俚言聊以申謝

錦繡篇篇字字奇羣峰豎立彩雲披平生何幸叨榮譽囊篋充盈百首詩

奉別

議政府領議政尹 昉

遼左尚腥膻俊哲方馳騫帝命詩書將渡海臨東路公惟管葛倫夙抱濟世具胸中運六韜一一

識時務從容緩帶間卓犖瞻風度雅量與清操永
爲邦人慕知公入奏日麟閣名誰伍我東萊禮久
忠義蓄有素藩屏遞受兵力盡西南戍瘡痍猶未
定四野荒草墓深讐戴一天詎能忘寢寤煩公達
九閭庶使丹悃布

議政府左議政吳允謙

將星前夜耀雲霄劒氣東來氛祲消絕島衆情還
帖妥小邦誠悃自宣昭寒城過臘歸期迫蕭寺逢
春旅夢遙行橐只看書數卷且畱梅朶共清標

議政府右議政金 瑬

曾作皇華僨接行受知燕及老先生芝輪一去空
相憶玉節東來更有情卻穀詩書餘事業西宮衛
尉舊家聲奚囊自足珠璣貯歸日休嫌越橐輕
春姜太史頌詔樊邦不佞承乏僨接故起句及之

原任議政府右議政李廷龜

皇華別後夢魂勞颺馭迢迢北斗高忽報金臺星
使降重瞻玉節漢臣操朝天舊路臙裘屬薄海
洪恩鳳綍褒自笑退才頭白盡唱酬無復少時豪

原任議政府右議政金尚容

河南千載見雲孫文彩風流喜尚存萬里承宣臨

海徼三韓懽忭仰 皇恩腰間紫氣雙虬動座上

春風一笑溫他日回朝如有問爲言忠順卽東藩

原任議政府右議政李慶全

漢將初臨徼胡兵尚覘邊游魂定宵遁奏凱幾時
旋殘臘青陽近孤城白雪連丹心春更苦不耐有
啼鵲

原任議政府右議政洪 霽

黃山白岳炳精靈文武全才擅妙齡遠撫東江臨
屬國新辭 北極涉重溟馳聲遼塞收妖祲駐節
箕封耀福星竣事西歸知有日佇看麟閣煥丹青

原任議政府右議政韓汝溲

齊名飛將漢庭中說禮敦詩有古風已向島民宣
德意旋從藩國慰精忠吟懷玉潔奚囊富持操冰
清使橐空東土下誠天日照公歸應復達宸聰

行吏曹判書崔鳴吉

鯨魚漏網駭濤翻未助王師愧翰藩人自日邊
頒渙汗天教海外識璵璠一言已荷千金重九歿
寧忘萬曆恩舉國十年薪膽意樽前更擬盡情
論

其二

鯁生自恨逢陽九坐見全遼陷虜塵唇齒祇須憑
島鎮衣冠誰謂覩王人提撕更覺皇恩重悃悞
蒙將大義陳莫以小邦聲教遠早知蜂蟻有君臣

其三

少年持節許馳驅萬里藩封入撫綏碣石秋濤携
寶劒梅花山館賦新詩天都禮俗古難並海嶽風
流今在茲倘念吾王珍重意春風歸鵲莫嫌遲

原任刑曹判書金蓋國

嚙命藩邦歲已闌暫投禪院駐征鞍文經武緯今
時儁炳業奇勲後代看心似清冰涵夜月身如快

鶻在秋齎定知歸報東方事爭賀神京早築壇

其二

宣布 溫綸德意長小邦終始義難忘天今悔禍
應須轉胡已無人卽見亡山館月明歸夢遠海門
冰泮客心忙征車載牽何繇挽雲漢茫茫祗自傷

兵曹判書洪瑞鳳

斗南聲價動 皇州使節遙臨析木陬橫槩賦詩
元爽氣飲冰將命更忠猷魯知秉禮休看小歲轉
亡胡卽見遁藩服物情如有問須陳萬折必東流

議政府右叅贊朴東善

妙簡初因一代譽皇華萬里駐征車身從博望乘
槎路袖有相如諭蜀書客裏光陰驚歲換天涯魂
夢遶宸居山東自古多才傑今見名公信不虛

原任吏曹判書張維

帝念東藩重公從北極來劒光凌渤海槎影轉
蓬萊戰罷多新鬼舟焚冷舊灰樞庭傳密諭一二
口宣廻

其二

皇華寢冠蓋遼塞隔臙裘忽有金臺客來經碣石
秋漢儀爭快覩山館乍淹留萬折朝宗意憑公達

冕旒

禮曹判書趙翼

仡仡匡時略來觀屬國兵流人望已愜驕虜膽應
驚海路層波濶山城積雪明從來男子事萬里立
功名

戶曹判書金起宗

吾皇一似舜堯仁恭默垂裳御紫宸偏使青丘
霑雨露幾堪華袞降絲綸卽今中國登壇將曾是
東江佐幕賓大纛高牙新事業英姿逸表舊精神
聲名遠播聞名久冠蓋重臨見面真先布德音安

島衆擬將籌策掃胡塵極知才望兼文武更有風
流動縉紳陣法縱橫驅虎豹邊功早晚畫麒麟丁
寧兵部客中語鼓舞箕封海外民此役非關勞汗
馬素心惟在活窮鱗仙槎暫阻銀河路飈馭猶淹
析木津魂夢每思遊汗漫旌麾今見出城闌爲乘
幽興尋南漢時倚危樓望北宸玉潔襟期同雪
月歲寒蒼翠對松筠官齋綠酒初逢臘山郭紅梅
已放春物色忽驚生態度旅懷還覺倍酸辛悲歌
擊劒知音少拈筆排愁覓句頻異域風霜凋暮鬢
一生忠義薄秋旻不愁狡虜橫戈數但喜疲氓荷

澤均莫道歸裝無長物錦囊千首未全貧

原任知敦寧府事李顯英

絕嶼蒼茫外颿風信客旌指揮資妙略談笑見深情
迹滯緇衣館心懸白玉京寒梅殘雪夜橫槩句
還成

同知中樞府事李弘胄

黃雲浮海戒衣袵仗鉞來宣日下書天上寵光通
節制島中民物入吹噓寒梅淨室同襟韻行李他
鄉逼歲除回首遼陽王土窄獨憑雄劒意何如

司憲府大司憲金尚憲

漢將承恩橫海來高旌大旆拂河魁舊聞文武周
邦憲今見詩書郤縠才共喜朝廷多俊傑卽知邊
塞靖氛埃清風已詠東人頌歸奏明光信宿回

南以恭

星槎飛渡海波平玉節乘秋歲又更德意已堪
沿島化恩宣偏爲屬藩情梅花禪院畱清賞雪月
官城駐遠旌幹事回時胡可滅佇聞煙閣紀鴻名

順興君金慶徵

漢將兼乘使者車雙旌移駐濟王墟儒家早服河
南訓兵法初傳圯下書已喜雄威馳虎穴會看餘

業掃狼居他年太史波濤筆定向編中紀兩疏

行僉知中樞府事鄭廣成

麾蓋東來海不風赤雲新映錦袍紅名齊飛將家
聲遠緒接河南雅望隆并力烏林堪破敵沉舟洛
水可成功三韓志節公應悉好返天閭徹四聰

原任漢城府左尹許 禡

虬躍秋濤撫孟勞鵲橫溟渤掣琴高幄中籌策心
嘗運堂上千戈手自操 睿旨來傳能誕告 天
顏歸對定榮褒韜鈴文藻俱超詣邇邇欣瞻一代
豪

其二

東溟獨泛不辭勞
南漢遙登未厭高
急景窮陰山裏過
清商流徵客中操
詞源浩浩追潘陸
武庫森森邁鄂褒
書劒老生猶和唱
偏邦莫道少人豪

漢城府右尹鄭廣敬

才兼文武是豪英
家世河南負盛名
萬里仙槎宣德意
三冬賓館駐牙旌
鄉關幾結思歸夢
藩服應多嘿會情
忠義百年懸日月
天庭敷奏倘能明

工曹叅判崔來吉

遼左衣冠墮虜臙
濟城鼓角正喧天
君臣共喜王

人至綸綍仍堪德意宣行李暫須淹異域臘梅先
已報新年小邦情事知應慣歸奏丁寧玉陛前

吏曹叅判金壽賢

躍馬關頭正妙年封侯志業在籌邊光輝海嶽登
壇後氣槩風雲按劔前破浪東來真幸耳乘槎西
去便茫然平生豈有醇醪分一按清標定宿緣

京畿觀察使李聖求

新安氣槩挺河南萬斛東來帝命噉筆動風雲
攄壯志劔衝星斗撥雄談忘身已辦鯨波涉唾手
寧辭虎穴探從此三韓知姓字大明天下有奇

男

其二

漢江南畔有名山
山上城高不可攀
終古地形開
百濟祇今天險控
重關雲連紫氣滄
溟外日照丹
心析木間千載偏
荒畱勝跡九霄旌
節傍殘顏

刑曹叅判朴 簪

奉使藩邦屬俊姿
才兼文武好男兒
不緣紫氣過
鯨海那得青丘覩
鳳儀無賴別懷還
惘惘倘畱行
旆更遲遲颺輪一
返雲泥隔何限
東人去後思

尹暉

遼海頑雲鬱未收將軍擊楫誓中流
轅門幾草陳琳檄行橐空餘季子裘
萬古精忠期佐漢三韓大義實尊周
同心敵愾藩邦事早晚丹衷達冕旒

趙希逸

簡膺朝命特銜綸屬國觀瞻溢目新
聳動三軍增士氣撫綏孤島暢皇仁
韜鈴豈足爲能事翰墨堪驚總絕倫
文武淵源應有自河南學術久知真

其二

孤棹天涯未返時漢南山郭獨憑危
沉機已覺心爲勇授簡應因興賦詩
蕭寺月斜清磬響小窗春

動臘梅枝悲歌悵望遼河路再遇皇華倘有期

尹 昕

唐翁高蹟本同鄉海嶽餘風又襲芳前輩總爲天
下士後生今亦一時良當朝物議推山斗出使威
儀覩鳳凰自是東民追慕切元賓相對更難忘

行司直睦長欽

汗血神駒出渥洼一時聲價擅中華 天皇亦許

常山膽海國爭迎博望槎樽俎從容關妙筭文詞
清絕見奇葩煙花紫禁旋歸日定冊膚功寵錫加

原任司諫院大司諫呂爾徵

玉節下清都羽儀抑何盛星槎截溟渤萬里氛埃
靖鎮靜仗威靈撫綏宣恩命披霧覩仙姿禮數
秩且敬館宇靜無事風月供嘯詠尋幽水晶域畱
賞適情性旌麾倏已返指點雲路夔徒然想清塵
千載獨輝映

承政院都承旨李敏求

年少登壇列戟新時危將命不謀身驍雄手下三
千士文武堂前十九人荒徼豈容淹漢節壯心終
擬掃邊塵歸程莫更催行色遂裏梅花鎖早春

其二

西飛之燕東伯勞拂舞劒歌天爲高楚國陽春強
擬和齊門竽瑟詎堪操青牛真人周太史金馬使
者漢王褒更有韜鈴饒武略才雄似此始稱豪

工曹叅議李明漢

幕府文書屬望勞河南家世擅名高雄圖破浪孤
颿劃逸興凌雲大筆操佳譽已聞登剡薦奇功行
見降綸褒山城駐節臨清漢氣壓陳樓百尺豪

刑曹叅議洪命亨

宇內無雙士胸中有萬兵
嚼書天北極駐節漢
南城自此環東土應教識大名
高山仰風采歌詠

不成聲

弘文館副提學鄭百昌

新安形勝擅南州間出賢豪器業優英略自能傾
後輩高風端合繼前修日邊寶勅滄波晏天上仙
槎紫氣浮從古男兒投筆志佇看談笑收封侯

原任判決事金著國

握節身乘博望槎鯨波如練路非遐三韓自古同
周服四海于今盡漢家正屬歸程連雪色莫嫌賓
館度年華新詩暇日開懷抱想見晴窗動彩霞

承政院都承旨權 鏞

東江紆 帝念使節簡才良
飈馭來霄極星槎劃
斗傍青丘瞻異表紫極叶休祥
宣諭 洪恩霈揮
毫寶唾香畱名仍僻壤幹事見輕裝
已覺新年逼
懸愁別日忙楚氛吹路斷遼水接天長
此後雲泥
恨蓬萊遠渺茫

承政院左承旨趙邦直

四海堂堂第一豪
乘槎萬里越鯨濤
初從島鎮宣
綸綍却向藩邦駐
節旄受命只應思報效
許身寧
復歎賢勞遼天尚入腥膻窟
獨夜頻看匣裏刀

承政院右副承旨趙廷虎

文武全才一代稀恭承 帝命出彤闈波臣共護

仙槎穩鰈域爭瞻玉節輝萬里關河春欲動五雲
宮闕夢先歸鰈生得遇真知幸強把蕪詞效紆衣

承政院左副承旨李行遠

新安從古盛簪紳近代皇華兩有人雅望長懷許
太史英姿如見李元賓中流擊楫聞雞日絕域揮
毫倚馬辰萬折朝宗江漢意知公西去奏 楓宸

叅議李基祚

殿裏趨蹌近使星耳邊金玉聽丁寧仙人海外傳
天語名閔河南識地靈暫屈旌旄畱鰈域爲憐松

雪訪巖扃春來一棹催行色臨別那堪涕淚零

原任刑曹叅議睦叙欽

靈槎的的降雲霄文武全才拔俗標報主身輕凌
大海平戎志壯壓全遼禪房蕭灑南城迥燕路蒼
茫北極遙他日歸朝獻奇策竚看榆塞掃氛妖

司諫院大司諫徐景雨

督府曾聞 聖詔宣星槎旋到析津邊 皇恩已

洽三韓域使節爭瞻一代賢樽俎威聲驚虜膽文
章餘事富佳篇清風遍入東人詠千載應將令譽

傳

原任刑曹叅議趙國賓

樓船東過琅琊臺玉節遙從天上來伯仲之間見
頗牧旌旂所指走風雷鯨波不動三軍靜狼穴如
空萬虜摧食土本同多壘耻行當一舉掃氛埃

原任承政院右副承旨李昭漢

夫子登樓賦獨勞三韓紙價十分高彤雲北望金
臺遠紫氣東來玉節操偉績佇看鍾鼎勒殊恩應
荷 璽書褒古今多少皇華使橫槊何人落筆豪

原任承政院左承旨崔惠吉

萬里仙槎到海東清襟皎潔玉壺空小邦爭覩衣

冠盛驕虜應驚膽略雄異地不堪逢歲暮歸程好
是趁春風漢山千仞凌霄聳畱着高名與此同

行副護軍李景仁

日邊仙旆下雲霄加額爭瞻彩鳳標已向島營宣
諭勅却從藩國駐征輶閑樽細酌南樓迥橫槊高
吟北極遙頓覺威風寒賊膽幾時成筭定全遼

其二

東顧殷憂軫聖衷德音宣布仗豪雄劒光遠逐
關山月槎影新乘渤解風快覩日星昭大義佇看
勲業冠諸公淹畱莫道非吾土文軌如今四海同

兵曹叅知韓必遠

虎節遙分出漢庭長風破浪過滄溟一封文字傳
天語萬里旌旄趁使星北極雷霆驅號令東韓忠
義壯藩屏行當協力收遼薊照匣秋蓮乍發硯

兵曹叅議李景憲

平生願識漢宮尉征蓋疑逢郊路賓虎豹韜鈴抽
鬼秘孔鸞儀彩離風塵維舟海嶼秋濤落倚劒江
城朔氣新早晚便宜騰奏牘偏荒何地不王春

其二

東江舊鎮淹孤島左海偏封界劇胡綸綍返宣

知聖澤輔車相倚要良圖漢儀久隔欣先覩秦
粟雖貧早已輸只恐衮衣畱不住中原北望復長
吁

吏曹叅議李植

朝來紫氣滿天東玉帳聲馳海岱空官握將符兼
使節志投儒筆佇戎功孤槎汗漫星侵斗三略縱
橫虎嘯風倚馬幾篇傳競病不妨憂國抒深衷

弘文館典翰金槃

橫海樓船擁節來扶桑繫馬志雄哉虞卿白璧新
承幣郭隗黃金舊築臺歲暮淹畱江上寺天涯物

色臘前梅懸知一箭遼城定幕裏何人勒石才

原任議政府舍人李景曾

八月仙槎過斗牛歲闌旌節此淹留仍看海島人
心洽佇觀遼城虜稜收憂國幾成橫槩詠逢春不
耐望鄉愁願公努力東江事投筆終期萬里侯

司諫院司諫俞省曾

四時更代謝兩儀迭盈虛星躔忽復移臘破歲將
除積雪日已消陽晷稍覺舒殊方節序改君子意
何如睠彼南漢城粉堞映郊墟煌煌駐玉節閃閃
飄雲嶼登臨富清製初日照芙蓉顧循良菲薄何

以報瓊琚所貴情意孚詞藻乃緒餘勉哉修令德
終始保美譽

議政府舍人李省身

斯道東來賴二程古今儒者本知兵詩書爲府元
無敵忠信成城孰敢撓雲鳥陣開三略在斗牛星
近一槎橫滔滔漢水東歸海正似吾王拱極誠

濟用監正洪憲

司馬門前承密命蛟龍背上駕長風東江士卒安
危際西塞干戈指顧中蟻結妖氛頑未豁天廻和
氣凍初融各詢歸報朝廷日明見應知萬里通

司憲府執義崔 苻

長離拂翮下重霄玉節金袍映海潮名動三韓方
丈外班高一統 聖明朝詩傳江漢南城暮夢入
蓬萊 北極遙正賴滔滔匡世略遼陽臙騎莫徒
驕

世子侍講院輔德申敏一

戎幕承殊渥詩書實致身風雲生指顧雪月見精
神勝筭原無敵英謨更絕倫使還功第一應作畫
中人

其二

碣石連妖祲榆關有戰塵箕封存大義魏闕下
溫綸水亦朝東海星猶拱北辰人人思助順臨亂
誓忘身

弘文館校理任 統

系出河南地望隆妙年投筆事刀弓資兼文武謀
猷壯名動華夷氣槩雄快覩 恩綸來日下仍畱
秀句滿天東長風破浪男兒志麟閣終期第一功
具鳳瑞

師垣密命鎮邊虞旌節光輝出海隅三尺星文憑
壯氣千層蛟窟視平途山城過臘天時改蕭寺逢

春客夢孤萬里咨詢行李淨共看寒露映冰壺

許啓

文武全才簡 帝衷應從絕域辦奇功張騫正候
隨槎月宗慤初乘破浪風喜氣已騰滄海戍威聲
旋壓黑山戎三韓髫白迎金節願採民謠達 聖
聰

原任侍講院弼善鄭維城

撫綏藩服簡名卿 帝命堂堂間世英活國才堪
調鼎鼎清邊志在掃攬搶東齊近接扶桑海南漢
還爲細柳營妙略指揮安鰈域威聲震疊鎮遼城

平生遠慕河南老此日驚看寶穴精
旣喜經年畱玉節還愁不月起戎旌
來時已覺風濤靜去後懸知雪嶽輕
鴨水春應催畫鷁鳳池朝及聽啼鶯
勒銘勲業期他日字小恩榮在此行
頌美不容資俚語遐荒草木已知名

司憲府掌令宋時吉

河南宗統有遺風許國堂堂七尺躬
英傑曾聞推斗北德音今覩布箕東
仙槎秋泛驚河鵲華袞春歸趁渚鴻
行李淡然無所贈江山輸與錦囊中

司憲府掌令李尹永

幾年 王室任勤勞爭道名公節義高探虎壯圖
心上運斬鯨長劒手中操六奇獻策還堪笑三鼓
收功豈足褒遼塞祇今氛未豁佇看勲業屬英豪

司憲府持平沈東龜

樹羽千夫長乘槎八月行河南傳緒業華嶽挺精
英簡自樞要任官仍總制名威聲溟海沸爽氣雪
霜清玉節三山島玄冬百濟城星從宸北遠地與
漢南平慷慨匡時略辛勤報國誠本來披惻惻隨
處仗忠貞緩帶稱羊子雄詞識馬卿藩邦望已愜
驕虜膽先驚自幸登龍客偏蒙下榻情胸襟元灑

落詩律更縱橫日暮頻畱轄天寒數舉觥依然聚
散恨回首雪峰晴

世子侍講院弼善鄭百亨

關河迢遞滯行旌西望蓬萊隔帝京世亂獨憑
三尺劒詩成誰敵五言城殊方臘盡年光暮蕭寺
春生客夢驚公去威風應不泯莫愁他日雪山輕

弘文館副校理李尚質

萬里皇華使遙聞析木津嫖姚開幕府子羽作行
人肅穆觀兵地雍容握節辰辭天傳雨露指日掃
風塵勇氣青萍動詩聲白雪新客程仍閱歲王

事已忘身海月星
槎夜梅花玉帳春
莫教麟閣上
唯畫漢朝臣

弘文館校理柳 頴

河南遺緒最儒流
投筆還思萬里侯
涉過滄溟臨
絕嶼宣揚
皇澤慰東陬
壯心牢落頻看劍
王
事淹畱欲敝裘
勒石奇勲知不遠
春來擬見掃羣
酋

原任司諫院獻納鄭太和

聖朝恩澤浹三韓
迎得征軺拭目看
誰遣鳳毛經
島嶼未應鯨鬣動
波瀾河南自有春
風氣海外都

忘臘雪寒 天子若詢東土事下邦終始寸心丹

世子侍講院文學黃胤後

倜儻當朝傑承 綸出海隅詩書古名將家世卽

真儒 帝德方柔遠天聲已壓胡應知幹事日勲

業振 皇都

兵曹正郎安時賢

天王欲置小邦安妙簡英豪到弁韓跨海隄防閑
細柳平胡籌略讐臯蘭歸朝畫鷁乘春水出塞牙
璋度臘寒會取遼河將報國凌煙圖像與人看

吏曹正郎李命雄

玉節煌煌下

帝州東人爭喜袞衣畱胸藏渭老

三韜略氣壓陳公百尺樓指顧已知紆警急咨詢
方覺展謀猷新安鄉里河南系餘事功成在運籌

禮曹正郎廉友赫

北斗以南唯一人首首符彩冠朝紳瑯戈拂海旌
旂變玉節臨藩草木春歲轉亡胡妖祲豁星看入
蜀景光新蒼茫絕域歸舟遠魂夢還應繞紫宸

禮曹正郎元振河

天家大將出儒林詩禮登壇愜衆心渤海風雲隨
掛席扶桑日月照披襟勲名擬勒燕山石廉操終

揮越橐金賓主東南從此別異時魂夢倘相尋

兵曹正郎成汝寬

雄心早在請長纓仗節東來渤海平
聖代卽今勞肝食男兒從古重橫行
胸中韜略終須展遼左煙塵尚未清
藩服力綿慚敵愾拱宸唯自罄丹誠

原任司憲府掌令林 堧

聖旨褒才傑公當拔擢新揚鑣思報
主噉命已忘身碣石浮槎日青丘駐
節辰清忠治使事慈惠及邦人武略
元無敵文章更有神誓心昌漢道指
日淨胡塵賓館年華改行厨餼廩貧
空勞玉帳夢

須趁禁城春海上畱餘鳥雲端悵去輪千秋勲業
在形像付麒麟

弘文館修撰尹 坵

新安山水孕精英挺出人豪翊 聖明夙好詩書
勤志道偶因金鼓起論兵胸中韜略超千古筆下
詞鋒逼兩京玉帳臨邊邊圍靜樓船截海海波平
輕裘緩帶踰原隰瘴雨蠻煙濕旆旌遼左廓清須
俊乂海邦蘇息荷生成垂名竹帛期他日努力勲
庸在此行漢水梅花殘臘盡只愁公去雪山輕

弘文館修撰李元鎮

文武天都第一豪爲從 王事獨賢勞鳳綸欲布
扶桑旭鷁路先平碣石濤雪後梅花尋寺遠雨餘
山色倚樓高旄頭殺氣何時滅夜夜燈前看寶刀
吏曹正郎趙錫胤
投筆談兵有古風全才自是萬夫雄符分縹緲星
辰北槎絕蒼茫渤海東鎮撫已教邊圉靜折衝終
見塞氛空應知入奏丹墀日寵錫賢勞雨露隆

其二

碧幢來駐海東陞加額人爭覩漢儀萬里雄心憑
寶劒百年豪興賦新詩山城寒臘殘梅動江閣斜

陽畫角悲惆悵仙槎歸去日
可堪天末望旌麾

兵曹正郎柳 碩

明廷嚙命屬斯人
譽望從知絕等倫
藝苑冥搜思若湧
兵家旁達策如神
路經溟渤鯨波帖
口布絲綸
聖渥新談笑
平戎應有日
奇勲會看畫麒麟

弘文館副修撰姜大遂

遼塞餘蛇豕
凶門久旆旌
勾當天
下事實藉斗南
名紫極鸞書降
秋風鷁首輕
飲冰宣渙汗
擊楫誓滄瀛
劒氣星躔射
皇靈海若驚
東民爭覩鳳
北蹟佇封鯨
禮數藩邦重
光陰旅館更
雄圖仍遠域

瘦歲且孤城夢裏仙槎迴吟邊臘雪明會看麟閣
上勲業共崢嶸

司諫院正言卞時益

紫氣初從驃騎營樓船截海海氛清一年消息秦
關隔萬里行裝越橐輕班筆已投猶競病漢符纔
握是干城他時倚馬平遼左會看燕然勒大名

其二

河南千載繼真儒文彩風流映海隅島衆已知歸
德宇遼夷還覺入雄圖終教美譽畱東土恰似清
冰貯玉壺歲暮不堪仍戀闕北望何處是皇都

兵曹佐郎朴日省

艱危須仗出羣豪奉 命東臨玉節高
存撫島民宣 聖澤慰安藩國布恩褒
威聲直欲平遼薊詞翰兼能奪雅騷
海外物情知已慣相期努力斬鯨鰲

兵曹佐郎金 鏞

早年投筆志封侯自是山西第一流
男子須要天下用兵家初握幕中籌
星槎渡海滄波遠使節臨關紫氣浮
遵渚飛鴻瞻望切莫嫌山館少淹畱

兵曹佐郎柳 籌

北虜何時滅東藩事可嗟未能溍國耻還愧對皇
華擬勒燕然石聊乘博望槎看公多妙筭指日靜
胡沙

原任弘文館修撰李時楷

海內堂堂第一豪山城千里駐旌旄會看沙漠收
三箭自倚平生曉六韜潮滿沮江冰岸濶雪殘遼
塞朔雲高星槎乍返銀河隔長使青丘戀錦袍

原任司諫院正言李海昌

薊門之東東海隅杼牙巨島風煙迷環以滄溟萬
里餘船槳一路通燕齊自從漢將開幕府羣疑往

往生町畦干戈未定人未蘇 天子時念安旄倪
向時道路多壅隔 德音西望如雲霓大人受
命朝發舸洪濤帖息無鯨鯢碧海逶迤錦帆轉塞
原蕭瑟愁雲低乃知此行計非小一奉 聖旨懷
羣黎三軍誓死士女賀犬戎自此當粉齏轉向青
丘駐旌旆季冬風日寒淒淒伊川千載見儒雅橫
槩從來詩幾題玉京蒼茫海雲間山城落日聞鼓
鼙彤墀若奏東方事敵愾丹忱終向西

原任弘文館修撰鄭致和

薊門千里隔風塵

帝簡三韓奉使臣輿論共推

天下士小邦爭覩日邊人寒侵旅館難成夢歲盡
他鄉又見春旌節倏歸攀不得可堪回首望飈輪

禮曹佐郎李 稠

盛代稱多士明公冠一時圭璋推雅望鸞鳳振丰
儀秉鉞戎韜壯摛文藻思奇才堪經世務志欲濟
時危鎮戍宜巡按藩邦屬撫綏使車辭北極旌旆
出東陲雄略山河動聲名草木知帆檣凌渤海旌
節鎮蛟螭且慰軍民苦仍宣 詔旨慈島中和煦
藹海外福星馳爭覩皇華美均霑 帝澤私瀋陽
餘小醜河上老 王師邊地干戈滿遼天鼓角悲

連年聞戰伐幾處見瘡痍木道錢糧絕金城士馬
疲殷憂猶未已舜殿每疇咨俊傑紆長策威靈懾
遠夷妖氛終迅掃雜種定無遺直擬清沙漠行當
飲月支歸從燕薊路奏凱拜丹墀

原任禮曹佐郎權 塢

玉節青幢降海堧敬將 恩命自天宣蟬嫣認是
河南出豹略應從圯下傳詩罷忽然投彩筆酒酣
還復撫秋蓮春來便欲乘槎去塵世難畱上界仙

藝文館奉教李一相

煌煌玉節下蓬萊顧盼風雲碣石來冀北雄聲馳

海岱天東佳句散樓臺山城月色當霄迥 帝里
春光入夢迴看取漢家名將傳幾人能敵隴西才

承政院注書李時萬

幾年 王室任勤勞奉使爭推地望高探虎壯圖
心上運斬鯨雄劒手中操嫖姚膽勇千夫長武穆
精忠二字褒協力除兇知有日莫言東國少人豪

其二

諭蜀行裝一孟勞使星遙拱北辰高湖城駐節青
春動山館題詩彩筆操幹事江南圖籍在奏功關
右璽書褒他時指點麒麟畫方信明公絕世豪

藝文館檢閱俞 梈

橫海樓船博望槎將軍出使賦皇華丈夫志壯曾
投筆 天子恩深不顧家此日馳驅持漢節何時
談笑靜胡沙知公定斬呼韓首莫負吾 王贈莫
邪

藝文館檢閱金益熙

山館經年住錦袍異鄉行役獨賢勞天涯節序驚
殘臘客裏風煙入彩毫冰泮沮江春水濶雪晴遼
塞朔雲高平生投筆封侯志落日登樓看佩刀

崔文湜

威聲盖世氣超羣不獨 皇朝外國聞畫鷁樓船
橫碧海斬鯨長劒決浮雲胸中自有平胡略袖裏
兼携諭蜀文遠過漢庭程不識祇今誰數李將軍

權知承文院副正字梁曼容

間世無雙士中朝第一人孤忠原自許英略不無
神報 王寧論命臨危已忘身承 綸天北極宣
化海東垠髮爲憂時改詩緣遣興新偶然耽勝槩
聊復出城闔古堞隣清漢殘年近小春有懷攀玉
舄無計駐飈輪征馬燕山外歸帆鴨水濱風塵猶
未定何日畫麒麟

藝文館檢閱俞 梈

橫海樓船博望槎將軍出使賦皇華丈夫志壯曾
投筆 天子恩深不顧家此日馳驅持漢節何時
談笑靜胡沙知公定斬呼韓首莫負吾 王贈莫
邪

藝文館檢閱金益熙

山館經年住錦袍異鄉行役獨賢勞天涯節序驚
殘臘客裏風煙入彩毫冰泮沮江春水濶雪晴遼
塞朔雲高平生投筆封侯志落日登樓看佩刀

崔文湜

威聲盖世氣超羣不獨 皇朝外國聞畫鷁樓船
橫碧海斬鯨長劒決浮雲胸中自有平胡略袖裏
兼携諭蜀文遠過漢庭程不識祇今誰數李將軍

權知承文院副正字梁曼容

間世無雙士中朝第一人孤忠原自許英略不無
神報 主寧論命臨危已忘身承 綸天北極宣
化海東垠髮爲憂時改詩緣遣興新偶然耽勝槩
聊復出城闔古堞隣清漢殘年近小春有懷攀玉
舄無計駐飈輪征馬燕山外歸帆鴨水濱風塵猶
未定何日畫麒麟

承文院副正字洪柱一

十載遼河未解兵至今氛祲暗邊城
天時已轉亡胡歲使節仍勤諭
蜀行玉帳雄籌機合變彩箋佳
句筆縱橫定知竣事還朝日爲白
藩邦拱北誠

權知承文院副正字李行遇

聖代賢豪士河南俊傑姿挺身當國事奉
勅屬危時受鉞金臺下乘槎鴨水湄
相如諭蜀日祖逖渡江時聲勢藩籬壯
威名草木知驅馳惟盡瘁慷慨輒形辭
北望星辰遠東來節序移壯心凌渤海
雄劒指邊陲山館寒梅發江城畫角悲
風雲生玉

帳日月照牙旗已轉亡胡歲行旋獻凱師願將東
土事一一奏丹墀

權知承文院副正字李尚載

狂飈掣海怒濤立孤島欲浮鼃鼃叫帝遣天官
按水府遙遙錦帆連海嶠玉帳高寨壓滄溟波臣
雜沓爭謹笑蜃市無陰白日靜薊門蕭瑟烽煙少
煌煌金節下雲間玉皇之所來恩詔一點青丘
煙霧中乘空羽衣符采耀伊水搖光潑遠派寶唾
成珠見神妙人間歲暮風淒淒漢山晴雪開清眺
別後容光何處望東海千秋明月照

黃一皓

惟我 皇明崇禎之六年 聖天子用兵
部議遣程總兵大人使乎東盖嘉屬國也
大夫慨然杖節而至噫其獨賢哉而東人
加額曰真吾 聖天子使乎吾國之黃者
得須臾無死復覩若大夫之賢者幸矣其
忠信篤行何貞也其精萃發揮又何奇也
惟錯節之利器疾風之勁草吳鉤之出匣
楚璧之耀世於大夫方聳觀也不佞齒屬
國臣而廁於後聞大人之風景大人之誼

悅服之深而恨無繇踏門而干執事者幸
劉孺子介紹之得敬挹大人趣味而已公
今遽歸矣欲望塵拜履得乎竊自悼緣果
之薄仙凡之區以別矣噫古或有屬千里
而神交曠百世而尚友者不佞與大人生
旣同時而嚶鳴相應則庶幾精旺神融於
寥廓曠漠之境一氣浩然而有默契者固
非偶然噫公今遽歸矣自不覺情動氣索
依依懔懔而不能已盖爲受知之感而復
覩若大人之賢亦難矣行矣乎大人忠信

著矣節行潔矣吳鉤出匣而烱如也楚璧
耀世而栗然也大人之德之才豈獨賢於
今視古亦罕矣大人之歸于朝朝右人必
將拭目而觀交手而迎賀其復而進其歸
亦若東人之慶其來而惜其去無疑也行
矣乎大人其利涉百不虞而往有功乎亦
惟我 聖天子威靈是仗而得大人之貞
吉又幸矣遂拜手而係之以辭辭曰

我公之來兮東人不顰以笑我公之歸兮東人其
歌也嘯我不襲公之符彩兮公乃惠我以墨妙公

何狀也日星有耀我先獲之德音來詔公之信處
若遇久要公之復路若失師表孰使之然我思天
紹狼山峙北而截辟兮鯨海接天而漭渺祝公之
仗忠信而徑往兮巨靈海若應後先而圍繞

皇華集卷之四十九

皇華集卷之五十編目

崇禎六年癸酉奉安島衆聯屬國勅使三

皇華集卷之五十

坡平道

程龍

山勢巍岑路險夷馬蹄踪跡步嶇崎坡平道上人如
市爭看安聯畢命師

次南都朱太史韻

白鷺橫飛過遠坡千年不改舊關河軒昂形勝山城
阜使客星臨此地多

其二

龍潛海底鳳停坡聖世清明圖出河詩禮傳家東
土盛文章華國使君多

其三

驅馳捐報那知身何日清閒出紫塵但願氛消滄海
靜不勞麟閣紀功人

其四

太史名高無價身襟懷灑落出風塵皇華勝蹟公稱
首敬次詩篇投筆人

其五

坡平館內旌旗色大樹堂前金鼓音馬首西馳雲拂
劒春風彩鷁碧波潯

其六

絳桃未吐胭脂色楊柳枝頭黃鳥音
斗酒謾言詩百首騎鯨飛過海東潯

廣州李牧使遠送臨津江之別

夕問朝勤禮太周近陪遠送臨津頭
抑知陌柳增離思伯玉情深意氣投

其二

雄君才氣可同儔胡運消衰在此秋
誓奮金戈圖逆虜堅籠鐵索鎖浮酋

駐開平館有原任李議政遣人求詩畫賦贈題
畫蘭竹

芳蘭文竹四時青馥郁奇珍萬卉靈霜雪凝寒香徹
骨春來煖日又當馨

次安聯百韻

皇華期勝地經國共籌邊臘凍關河阻春融金鼓旋
東藩輸易送島衆免顛連出使飛鴻鴈歸旌啼杜鵑
返旌過翠屏山偶成

雀占枯枝上魚遊淺水中杜鵑猶未染辜負翠屏空
其二

儼若扇頭上恍如鏡面中春深鶯不老泉冷石穿空

次韻

辛啓榮

官柳金絲嫩風光春正中離程愁處絕新月滿長空

贈鳳山都太守

程龍

青萍壯志氣昂藏從古男兒當自良願得精忠昭日月繪圖麟閣姓名香

贈都太守二小國器

丹桂新枝茂幽蘭出土馨二難成國器喬梓廟堂靈黃州吳觀察使有子斗寅九歲謁予叩畢卽揮成韻字亦工端可謂奇童矣遂次韻贈之

名門蔽異器英育事賢君落筆騎鯨句臨池揮右軍

原韻

吳斗寅

有美河南產東征報
聖君從來程不識猶勝李

將軍

贈黃海李節度使

程龍

東藩保障屬兵戎
匣裏秋蓮氣自雄
統率萬人稱大帥
封侯有志錫彤弓

登太虛樓

郊外平川接水田
山成圍遶鏡中天
登樓眺望晴峰曉
疊嶂屏巒寓目前

次吳巡察贈別韻

鳳詔飛天外山河萬國通廟堂籌上策撫輯選才戎
屬域抒忠義藩籬蘊古風詩書公筆底韜略我胸中
曲就非長策成全亦是功文章美美士開拓遜英雄
桃李培新苑棘荆荒舊宮島師勤聖眷虜孽逆蒼
穹斬馘須鋒劒俘酋獻鐵籠承恩應不淺被澤永無
窮未展終生志先懷岳氏忠無心圖富貴有意起疲
癯駐節喧金鼓起旌聽號筒漁歌稱隱士巷議頌仙
翁禮義傳家久衣冠奕世叢採謠覘治化講易見心
同孤嶼情景異全遼眼界空安聯思定遠藝射注逢
蒙出使荷將盡回舫冰又融中朝頻問答臣藎莫如

東

原韻

吳 翮

大人以河南夫子之後說禮而敦詩不墜
世業屬時多艱建節登壇亦儒者分內事
耳茲者奉 天子綸音越海而東律已若
冰蘖束下如濕薪從者所至琴鶴蕭然幕
籌閒暇遊神汗漫投壺雅歌之中使島衆
安輯山戎帖息屬邊疆場賴虎豹在山之
勢愚夫愚婦莫不感戴恩德香盆夾路爭
先覩之爲快不啻麟鳳然況不佞周旋樽

俎有唱斯和獲不世之奇遇者哉嚴程有
期飈馭將返瞻望雲霄不勝悵黯之私謹
綴俚語竊托于古人贈處之義以俟斤正

云耳

帝力無遐外梯航萬國通不言生逆虜有 詔起
元戎藉藉河南系桓桓隴右風經綸在心上兵甲
列胸中始見無雙士行收第一功班超輕虎子李
廣倚梟雄躍馬醫巫鎮揚帆碣石宮鯨鯢迎紫氣
鸞鳳下蒼穹遼霄妖氣豁扶桑瑞靄籠鼎魚魂暫
貸窟兔計應窮憑仗 天王義鋪張屬國忠威聲

皇朝集
振沙漠惠澤浹疲癯帷幄還多暇詩篇問幾筒良
宵留庾子勝地引山翁獨往尋蘭若高懷寄桂叢
緇衣那久住御席早須同霄漢仙槎遠行裝越
橐空過逢承警效獎許愧顓蒙別緒江梅落春光
塞雪融自恨難附驥衰白繫天東

黃州道上

程龍

風動龍旗鼓角鳴旌回駟馬疾如鷹山槎欲泛桃花
浪兩日程途一日行

渡大同江

鼓樂笙簫擁畫航大同江上好風光龍旂飛騎爭先

渡鳳節徐馳落後裝晴日輝輝堤柳碧和風拂拂野
花香益知東土多忠義恭迓王師進食漿

題畫蘭竹寄贈吳議政

獨據深山傲雪霜春雷震發自芬芳任他桃李爭春
艷怎比天然幽谷香

志謝平壤觀察使

安聯二字任非輕近易遠輸全藉君俯奏丹堦頒賞
賚衮衣先褒急公臣

祭箕子墓

皇華過此筆如峰下拜抒誠詩句窮賢聖心同明月

皎松丘古墓大文宗

平壤吊古

憶昔當年義旅興
天兵初下氣先聲
東藩固保山河在
血戰將軍劒尚腥

其二

相持對壘陳初圓
矢石交攻勝負間
頃刻塵飛紅日蔽
神號鬼哭振山川

其三

荒丘義墓已多年
黑恨沉冤何日捐
春去秋來天地老
不知寒食屬誰憐

其四

決命爭功不顧前
歿榮生辱壯心
堅忠靈赫赫歸壤
土芳草萋萋啼杜鵑

其五

時危勢迫不堪支
羽檄馳飛乞救師
倍道兼程甦涸轍
功成此地義軍隳

其六

解難排危急救鮮
赴湯蹈火敢爭先
攬槍掃滅軍聲振
致使壞城復固堅

其七

皇華集
力竭才窮功已成千謀百計立奇勲可憐城故人何
處事到於今揔不聞

其八

眼前世界好乾坤今日安然有至尊飲水思源元有
自春秋主祀少酬恩

其九

香風拂拂酒盈樽萬恨千愁強赴吞予祀春秋無斷
絕方昭義魄與忠魂

其十

戎墓幸逢箕墓傍聖心日月衆星光文章垂繼千年

業忠義淪亡百世芳

寄謝餉司

島戎妥帖賴司農
天海同豐樂
夕雍指日酬功膺重
典荷香亭畔授泥封

次韻

兩西餉使金光煜

海外蒼生樂事農
大平天子荷時雍
將軍眼底無遼薊
指日身膺萬戶封

登快哉亭次朱太史韻

程龍

壤地多奇蹟
此亭真快哉
聊將泉作酒
權以丘爲杯
纔入皇華館
復登海城臺
大野長江徹
一望眼中開

皇華館次行人熊公韻

仰觀詩句盡佳篇
法墨臨池出自然
聞說彼中歌舜日
欣逢此地樂堯天
筵前頻噪喧靈鵲
枝上高聲啼杜鵑
萬井雲煙迷海樹
遠山近水續相連

聞尚叛有感

島衆難安屬易聯
心機用盡枉徒然
便宜當日忠堪憫
經略先年見最偏
叛逆窮兇今接踵
東藩義順重綸宣
滄波澄靜狼煙熄
海國孤嶼仗上天

早聞尚將叛島是
夜宿順安館見詩
篇盈壁值心緒不
安不能扳和其間
唐太史乃予戚里
也

勉次一律並懷島事

跋涉程途未敢辭逆虜交訐屬危時此中消息人難
識就裏機關我盡知掃蕩妖氛須仗策安聯任重懶
傾卮能融刀劒更牛犢早向丹墀拜 聖儀

贈勉順安趙太守

馭下當寬奉上躬禮言出自孔門中若能旃勉承先
進不負箕封萬世忠

贈韓譯官

久服鹽車志未申慇懃傳達有經綸莫言此內無高
士委吏常聞隱至人

三才集
贈安州申總戎

才氣稱奇士雄豪足大觀
虛延因力薄曲就爲邊安
磊志朝天拱葵傾向日丹
壯心勤不泯常把寶刀看
久慕安州柳兵使忠勇不羣
東弁之錚錚者也
不佞有所聞焉今值行色匆匆
未及一晤爲歉
解佩相遺俚言奇贈

北平勇望重三韓
君是東藩第一官
解佩相遺深有
意莫邪端爲斬樓蘭

贈安州尹副元帥

君屬東濱半壁天
三軍踴躍在身先
藩籬牢補中堂

固四海雍熙億萬年

別辛陪臣

欣逢時臘至悲別又中春道合心相契交深德日新
君爲東土士我屬大明臣頃刻難分首和恭協共
寅

送別

並序

辛啓榮

恭惟大人山河間氣文武全材接正派於
河南詩書舊業蜚英聲於斗北韜鈴勝流
語笑馨香溫溫若秋玉襟懷灑落浩浩如
春風筆海瀾騰神流沃清漢之浪劒山峰

秀靈嶽蔽丹青之雲說禮敦詩夙負十城
之望好施重義爭推節俠之雄萬甲兵藏
胸算妙探虎三尺劒在手志壯斬鯨自是
遊刃恢恢雖遇盤根綽綽奉九重之簡命
寵隆選遴乘八月之仙槎責專綏撫長風
破浪海若迎玉節之輝怒鯨收氛天吳護
彩鷁之影恩均雨露慰霓望於江東威凜
風霜寒虜膽於塞北輸秦糴於孤島士飽
而歌臨漢儀於偏邦民懽且忭陸大夫之
忠信名播越中杜御史之清標金埋幕下

誕敷德意深荷覆載之仁可質神明益殫
捍衛之惓惟大人公明之鑑洞燭無私幸
小邦忠順之情上達有路將竣事而返旆
值殺節之窮陰挽星輶於冰途願言利涉
駐錦帳於山郭亶爲靜棲香消鴨爐伴雙
梅而氣爽雪晴龜壑撫孤松而神清山月
江雲輸入靜裏之詠吳紗蜀錦裁成筆下
之春如小宮者望履爲榮執鞭亦幸鷦鷯
短翮敢望九霄之搏駑馬蹇蹄頓增一顧
之價憑依厦屋喜震風之帡幪酬唱瓊琚

愧日觀之燭火禮有加於東閣幾叨下榻
逢迎興不淺於南樓猥陪開樽談笑滄溟
波暖悵動撓之有期異域天長傷拜塵之
無計披肝露膽樂莫樂兮新知摻裾分襟
去復去兮何許雲迷隴樹處處而春陰月
滿關河蒼蒼而夜色杯觴強把臨別筵而
愴情弦矢將分向極浦而送目孤帆渺渺
和斷鷹而浮空大浸茫茫共落霞而浴日
邦人悵悵永慕國士之風春草萋萋謾帶
王孫之恨此日歧路難堪惜別之懷何處

樓臺更費思君之夢恭呈短律聊贐行旌
忝儼 皇華歲律移幾回歡笑照肝脾前緣定是
多生卜後會知難此世期雲卷海天帆影遠春晴
關樹別懷悲何當少慰相思意畱得瓊琚滿袖詩

慨島偶成

程龍

苦心畢命任安聯島勢傾危尚未堅閩帥權宜懸鵲
印兵戎久妥費金錢黔黎水火何時出麗庶顛連甚
日旋天理循環如有待乘除數極大平年

兩奉安聯有感

自分捐軀不顧身幾回撫輯事 王程綸音舊簡經

龍穴欽命新頒出鳳城邦域啣恩圖效順島戎時事
勢堪惇安聯伎倆無餘策願得雍熙樂大平

其二

歷涉風波歲月長
黿鼉背上作家鄉
五更不寐班雙
鬢兩奉膺承幾斷腸
秦粟早輸勤接濟
商資稱貸藉
安康
君恩知遇應圖報
願竭捐軀志四方

旨撫輯
東江

次韻

南以恭

別來春盡又秋生
萬古書回幾日程
使節已還天
北極仙蹤猶記漢
南城宣
綸德意畱原濕
按島

仁風逮獨惇待得燕然山上勒爲將謳詠頌清平

石城島阻風有懷

程龍

坐守孤嶼俟順風安聯自誓辦奇功謾言邸報羈遲
悞掣肘于中未可通兢業恐辜司馬遇夕朝相伴老
龍宮蒼天肯念抒忠士萬里帆懸一瞬中

晚泊長山島

海上孤帆聽晚潮一彎新月夜迢迢蓬萊島外神仙
近唇市樓前貝闕遙水面魚聲如擊鼓嶼頭鳥啣似
吹簫憂心寥落雲山渺燒燭論杯看寶刀

次韻

許啓

朝暮生憎有信潮仙槎相送去迢迢精神不限雲
泥隔札翰猶傳海嶽遙天闕漏殘晨委珮轅門
秋靜夜吹簫近聞萬乘親推轂堪笑王生詫夢
刀

寄次惠韻

尹昕

料峭東風吹綠坪賓筵曾餞使華行雲衢漸豁難
攀鵠柳線雖垂未繫鶯一別清塵經節序相通千
里只神精如今更得平安信字字如金兩眼明

青社道中

程龍

棗徑花飛襲裾香薰風透體骨生涼不聞鼙鼓金聲

振車馬驅馳道路忙

季夏過鄒平張扣之相邀避暑東臯園次張郁
憲先生壁間東門行韻

平東有名園可以適吾道欣逢頃刻間何必曾相好
桃李非新梧桐竹圍牆遶翰墨起風雲文章盡花鳥
黃山秉精英朱門繪華藻識荆雖此時灌耳如雷蚤
堂堂劇孟家豪聲貫天表

東臯園卽事

綠蓋叢陰曉露涼草花鮮艷棗花香雀聲啾唧鶯啼
老劒氣冲橫曙色光暫借一枝頻偃息還慚大樹荷

榮芳知君素重夷門俠擬接清標定不忘

其二

披襟裸體適園亭蛺蝶紛紛鬧石屏三徑餘音風乍歇
滿堂佳氣日初熒南樓簾幕松濤韻東壁圖書翰墨馨
多景池臺忘起節爲憐幽趣少驟停

張扣之招北郊御風亭夜飲

北園勝槩更無窮臺畔名亭虛御風松徑欲迷人影
寂槐陰深匿鳥聲空爲緣乘興尋芳約重荷投醪博
望隆金谷不妨長夜飲清歌嘹唳燭搖紅

次鹽山張大尹

士儔韻

九重東顧甲兵饒，仗策臨危震虜驕。
宣諭島民威愛克，慰聯藩屬節旌搖。
承恩指日瞻天近，憶險乘風破浪迢。
久已知名相未識，陽春過譽愧驃姚。

原韻

張士儁

白岳碩儒武庫饒，解從戎馬靖天驕。
半生奮臂河山壯，盛夏揚旌日月搖。
指顧海濱雲冉冉，低迴鄉國路迢迢。
只今明聖厓邊壘，好樹勛名繼霍姚。

武清官舍次韻

程龍

渡涉安聯畢，命還宣藩撫。
島政宜寬薰，風飄動旌頭。
燦杓斗橫縱，劒氣寒謾道。
蜀文能諭曉，吏輸秦粟起。

疲殘不忘 聖眷抒東顧兢業惟忠事未難

武清道上晚宿仁德禪院卽事

日落西山照晚霞暫投禪室駐征車老僧執杖呼牛
馬村婦携籃摘菓瓜月色當頭雲影淡蛙聲盈野鬧
喧譁王程萬里蓬萊遠爲國宣猷豈顧家

廣州山城記

予不敏涉歷疆場二十餘年見世態之變幻時事之
遷移不知其幾越癸酉秋膺奉 簡命安島衆聯屬
國星馳海甸至本國時仲冬已半冰沍日堅勢難返
棹承 賢王高義固畱予慮久處必得山谷方可避

靜于是出京四十里許駐節廣州山城忽有漢興寺僧希安雪峰叩予欲求山城一記以垂後世吁予乃恍鑒家安知翰墨之事雖然雪峰係德行之僧且學富三湘品高五岳似難却其所請及細詢之本城之記已詳先作第聞此城肇於溫祚所都建號百濟父子相傳自多婁已婁等王延比流近肖等王定都三百六十年傳位十一代後近肖王遷漢京遷態津泗泚等都歷王十八傳義慈而亡於高句麗高句麗亡于高麗王氏新羅亦併于高麗半千之後至我朝皇明世改代換易姓更弦不知其幾較予二十餘年

疆場所見者又何如哉嗟嗟總之人物有升沉山川
無變易目擊此城鳥道羊腸龍潭虎窟千層萬疊峭
壁懸崖自他處觀之大不及此城之形勢何也此城
勢如遊龍培王京之元氣形如襟帶佐邦域之金湯
喬松古栢虎豹隱然綠澗清溪韻幽琴瑟巍峩而俯
伏委曲而昂藏高臺試望虜在目巾長川繞廻儼若
天外壯哉是城也無怪乎百濟父都歷代世授正有
所見者在焉但物換星移不無傾圯黍離麋鹿能不
惕焉至天啓元年乙丑春柄國政者賢能允協忠義
格天又值物阜民安年豐歲稔復命摠戎使李君諱

曙肩荷重新怨勞是任竭精力于經營殫心思于規
畫越丙寅孟冬落成迄今十有年矣登眺遊覽祇見
重垣內固永杜烽火之虞倉庫周旋可積豐年之裕
富哉可稱天府也家吟戶誦咸樂雍熙于靡窮女織
男耕可享大平于無數又見寺刹七所寶殿聳觀古
佛起敬香燈不滅鍾磬時鳴旣爲此城之香火永保
君民之福澤若非賢王貽謀總戎才力曷克臻此
外有監役別將李君諱一元者輔佐懋功名亦不朽
復覩今日本城牧使李君諱顯達負英雄之骨仗慨
慷之才不特一時邑宰之賢可謂邦家之光非虛語

也要之三李君子錚錚有聲均爲斯國有人之慶今
予與兵曹伴使辛君諱啓榮者居處往來朝吟夕詠
第見辛君貌朴心誠德優學茂雅度汪洋不可多見
者也共表而出之當爲此城並美云予不敏聊爲是
記

獨坐有感銘山雨樓

君子如麒麟小人如狼虎麒麟復何少狼虎復何多
但願多中少惟求少中多舉獸皆麒麟絕無狼虎窩
舉世皆君子絕無小人科日亨君子道免得動干戈

又

衛宣昏縱盜殺其子商紂無道武伐其國書曰禍乃
滅亡此之謂也唐堯之聖母與丹朱周公之善母與
管蔡詩云自求多福在我而已積福一身積禍以遺
子孫霄壤之懸禍福之與士人覘此可不戒歟

安州堂聯

邊事倥傯時逢失稔盤中顆粒皆屬閭閻血汗減省
一分而民受惠一分皇華駐節適當疲敝驛遞夫馬
孰非閭閻脂膏妄費半文則我不值半文

安州以至王京各館堂聯

大丈夫當立千秋事業奇男子須建百代功名 中

皇朝集
朝聯屬國誼切同仇在彼還須圖報當建太平於永
世麗姓卽吾民情歸一體在我自宜軫恤共樂雍熙
於萬年

上大人書

具宏

累日獲侍下風真是此生良緣遽爾睽違不任瞻
悵乃蒙眷辱華翰情致藹然仍想積雪禪牕頗有
幽靜之趣只恨執事有拘無路致身榻側耳梅花
一盆覓副來教助添十分詩思匠役亦卽起送耳
只祝起居萬福不宣

又

雲泥遽隔弦矢遂分瞻言槎路杳然天漢忽披華
緘開示遠抱忱如復接光塵親承謦欬且喜且悲
殆難爲懷耳第緣別島稱亂沈閩濯征庚癸之急
斯軫臺筭區區私衷不勝嘆惋惟是助餉之勤此
固敝邦十數年來每所竭蹶者也顧如賤拙安能
裨贊朝議祇承臺意徒增惓惓而已衮衣重臨寔
所顒望黃鵠壤虫正爾夔閣臨書恨然不知所云
副封縟儀深仰盛眷但行人不傳其物矣統惟台
照不宣

又

尹昕

二十日伺候於高屏三次接現於清塵薰沐下風
感激中心一自仙旆渡江而南音容遽邈夢想徒
勞想惟山房對雪禪室燒香左右書史涵養性靈
祇緣安聯責重經濟任大袞衣歸還會有其期拜
迎道左惟日望之卽因歸便姑候起居

又

辛啓榮

忝躡下塵冬盡春闌曲荷恩遇榮感次骨颺輪莫
攀敢成弦矢伴影虛館只費長呼珍重緘封忽焉
落手別眼乍開悅接風儀披復忘倦頓慰離懷况
此厚遺實出心貺至於畱衣之眷有苧袍戀總之

情小官何以得此銘鏤心肝隕結而已日者伏呈
一揭已徹裁覽否耶米糧一事備悉教意人非木
石敢不動念即將來啓事意轉咨寡君亦當竭心
力圖副星夜飛報是料耳宣鐵之米旣許二千而
前揭悞報其半老爺想因本道布政而已悉之也
書中且有相晤之教倘能更覩景星則生平之幸
曷其有極路阻重溟無路承顏望風懷想能不黯
然好掛春帆行李珍衛惟是之望臨書恨然不知
所裁惶悚不宣

又

忝儼門館猥蒙賜顏揣分榮感銘佩心肝倏別仙
旆雲水間之瞻望長天若隔前生戀德此心只憑
夢思小官遵老爺命少畱定州以待來音耳日者
老爺分付糧米事通議餉使以宣鐵所在米二千
石計入五千石之內使兩邑太守刻期運送前島
鎮換米冒段九百一十五疋備邊司亦令餉使准
捧小官之爲老爺効力庶幾畢矣此後所冀滄波
萬里行李珍重惶悚不宣

又

平安道觀察使張紳

頃得進拜島中陪承謹洽船回殊覺惆悵不能忘

茲擎惠牘備誦高誼所存欣想如覲抑通漕輸糶
卽我寡君之至誠相周何嘗不戮于此就如權發
東船送到石城此自老爺肇創爾歟蓋舟車之用
致越封疆乃非屬國藩臣所敢與聞况此船原係
黃海道尤非卑職所管老爺曷不念邦國固有制
乎又况糧船之行自小邦君臣所殫心急赴島鎮
之軍餉撥棄漁採之節責勒疲乏之海民僅保入
島而又復自島勒行于萬萬意料之表法制之外
則小民當自此抵死規避而復不敢近島其在島
鎮利害所關豈不重且大乎萬惟老爺母苟徇一

時之言毋俾卑職獲大罪戾于我寡君幸甚續聞
樓船將返知自此遠無任馳神悵悵不旣

又

申翊聖

薄技見賞已極猥悚携引賜欸獎飾踰涯至發德音俯徵先人之籍感兢次骨哀淚潛滋惟先人所著文章甚富而先將詩稿及和陶詩求正錄先天窺管等編鋟於家塾流入中朝孫太師姜太史兩先生或引或叙行於世者也倘蒙幕府一言之重其爲光價奚啻樊家私榮而止也無論古昔詩書之將 皇朝之郭武定登李臨淮言恭戚少保繼

光詞翰彬彬俱稱名家何嘗以兜鍪讓襟紳哉竊
惟英猷宏略旣盡安聯之責咳唾珠璣毫端芬苾
散落於東土者不翅家隋戶下下邦人士之愛戴
實出至惓不佞之區區卽不敢自外之意也惟垂
恕幸甚伏楮瞻仰統希崇亮不備

又

寧邊府使柳琳

盖聞敦交誼者如入蘭室傾肝膽者比合龍淵况
感發人志且無踰詩教乎拜賜三復辭潤金石筆
妙天下雖顧陸正經沈宋新聲方斯蔑矣將佩服
嘉易不敢施易地以草鄙介胄之人皇芻難雜白

雪廼不能有所屬和謹致一鞘小劒惟以上報亦
欲如血尸逐而染鏑者也葵葵心曲曷盡刁札

又

具宏

不佞海鄉一賤夫也平居想望中朝文武大官不
啻若壤虫之於黃鵠而何也忝在跟候猥蒙禮數
此已不可再之幸會也豈料片言指契一諾彌重
弦矢已分而膠漆尚固山海雖隔而風期自通華
函鼎至雅眷益勤此在臺府逮下之德義固已高
於古人顧茲眇劣其何以堪且喜且悚不知所云
至於密加鐫戒顯揭章奏思以維持机捏道達幽

隱要使敝邦君臣不獲戾於上下此實東韓民社
之福難容不佞區區私謝也盧臺衮衣遄歸亦不
任心勞目眩併馳情於麾下也別幅縉儀拜領增
感便面詞翰寶贈稠疊筐筥之珍當永世矣所有
菲具聊效芹衷日者承儼諸僚幸皆無恙恭荷附
問德音不忘東陽都尉別申盛教多少忻踊先稿
題序深冀早晚踐副耳惟願木道風便時詞信息
引領西望曷任惓惓統希臺灼不宣劉生遠歸故
土深已爲幸別有嗣音附便致情耳不佞五月移
授刑曹耳

又

辛啓榮

海外鰕生獲侍天上仙曹葭倚芝薰不足喻其榮
華眷顧之隆傾戴之切實是多生宿契苦海勝緣
星槎旣遠雲土懸隔一片心旌日搖搖於黃山白
嶽間矣卽者鳳勅遙頒魚函附至披展反復宛
然接塵談也大人冰蘖之操蘭雪之韻至今小邦
之婦人孺子心艷而誠服逾久而逾不能忘其在
瞻依幕府而陪幸下塵者區區嚮逞之私當復如
何況聞大人畱心疆事洞照熒情導揚軫恤之恩
前後鄭重此非鰕生筆舌所敢展謝別紙所示具

審雅意詳在具刑部答啓茲不復贅天時霾熱唯
願道體益裕鸚薦鵬圖雄飛在即悵懷之庇終始
賴焉臆貺多儀益荷殷摯謹拜手登嘉外伴槭薄
具略申微敬莞入爲幸統希崇照不宣

又

尹昕

西郊一別有若壤虫之望鵠縹緲相思時月已變
欽想德義無一息敢忘不自意萬里珍緘因便遠
墮得審仙槎安穩已抵玉京感慰交并下任下情
况兼以詩扇名香出自情貺清風馨氣滿袖盈懷
尤荷不遺無以仰報此去若干賤物只表下忱而

已書中所諭將小邦誠悃宣力於諸上臺繇實是
大君子曲加軫恤之盛意小邦上下孰不感動且
途中烽息等項小邦自當百分調停何待諭及耶
餘情縷縷百不一旣統惟領察所冀爲中外萬重
以副遐誠

又

南以恭

仙槎一別間以山海流光屢度願言徒勞豈料高
義尚記疎賤遠投情緘問及殍生圭復數三忻悚
并至况審風濤萬里利涉無礙足見天相吉人福
履所綏慰喜之私無任下情且聞周爰之後益軫

藩服之事其所以眷眷於發言行事之際者有足
聽聞不待書中所諭而東土人之感戴也多何幸
得此於左右也只切銘鏤鰕生保有衰朽依作壤
虫回首天淵后会無期賴有高吟賁篋妙造畱芳
時復披對猶以慰荷矧茲便面之題叅鼻之炷又
出於情貺乎濯以清風繼之薰沐感德之懷無以
盡喻不腆筆墨扇把敢表寸忱愧悚之至因祝雅
度神相萬重統惟照亮不宣

又

張紳

仙舟一廻旋飽自崖之悲屢奉尺素慚得替面導

心奈疆場有限風潮難託每抱沉鱗推翮徒費蹇
產孰謂利涉之餘交游燕喜之旁午而乃能眷念
疎遠隔海傳書歷歷二百五十餘字一一皆出丹
府圭復不已巾篋以藏瓊樹解渴良不足喻尚奚
以更煩心貺致枉縟珍若斯之便蕃耶芥儀之不
腆匪擬玉案抑潢汚行潦貴薦微棕平生一片冰
心只有魚鴈與蝴蝶相將瞻望歸雲音容若在臨
楮悵然書不盡言祇祈臺禧日茂

又

吳翮

仙凡異路終有一別日夕西望槎路杳然只自斷

魂忽於便中獲奉華緘恍若披霧而覩青天豈曾
料三清消息到此煙火世界耶每念東臨之日小
邦臣民托庇帡幪不肖無狀偏荷獎許至令接杯
酒之歡奉鉛槧之役若非多生好緣安有此分外
之榮感鏤次骨報答無路早晚移節再承光塵則
奚但此身之幸實關於安危大計廊廟之上亦必
思之及此區區加額之望非爲私也且寄惠各種
珍異拜領之餘竅增惶悚幼幼之義波及於豚犬
之兒所賜書籍乃出河南遺訓渠當佩服終身幸
而他日立揚於世則無非大君子所成就其恩輕

重爲如何哉餘懷山積非筆端可旣統希台亮

又

許啓

下走之揖下塵特一朝傾盖之合也乃光寵獎飾
踰分湓涯下走之私心感鏤不置立春風中而爲
媿快也馬首西矣悵悵如失繼叩仙槎戒路雲泥
已隔攀拜之望漠然無日不自意勅使行中獲接
札翰鄭重八行華袞不啻字字肺腑委曲勤至只
以疲劣不堪承當爲恨也仍悉閣下下爲東方地
者宛篤嘽緩雖使東人爲之辭亦不過此此豈獨
下走之嚙結已也東土靡不沐盛澤而戴厚恩也

嗣後鱗羽益復艱憑矧乎談麈非俗緣可期人欲
之從只俟蒼蒼臨風傾遡自不敢以神處爲解也
腆貺珍瓌拜嘉增感新詩一讀牙頰生芬外另幅
略布下忱所冀爲宗社蒼生自玉亦謹不宣

又

廣州牧使李顯達

客歲檠戟淹館有缺餽牽恒懼罪戾之不暇豈料
茲者眷問猶至拜書登嘉感淚沾襟仍念山城風
雪一燈連宵承誨慇懃有踰骨肉此生榮矣仙舟
一返如隔天淵再會無緣思之腸結一把詩扇此
爲傳家寶豈但百金贈而已千萬拜謝便廻奉緘

下懷益激謹此不宣

皇華集卷之五十

終

皇華集拾遺

萬曆三十八年庚戌齋封世子勅使太監冉登

禮成初宴

筵開高敞美風光
賢主情濃引話長
入座首詢聖帝祉
傳籌謾叙故交觴
錯珍羅列千祥集
庖膾精嘉百蘊香
使臣何德能勝此
始信恩波沐遠方

萬曆四十七年己未賁勅宣諭經略差官袁見龍
萬曆己未仲秋偕叙南曹兄栢捧勅寓此二
鷹一飛一集予挽矢射之俱應而落遂吟蓋時
迫虜酋之變云爾

異國僑居心度遼
劒橫右臂左持弢
未從虎穴梟元惡
先向麗京射二鵬

黃孫茂

九月朔日進 王京傳宣事竣冒雨進館

嘶命來至鮮王宮
秋雨淋淋降江東
半日晴光已晝
接片雲騰踊忽灑
風涼氣蕭瑟色少
碧臺上花枝半
謝紅莫怨風雨濕
征衣欣沾 君王
雨露中

九日鮮國館中承 王賜宴

今年今又是重陽
此地此情倍感傷
宴上盡歡幾吹
帽金花簪來喜正
冠階前黃菊半開
放登樓遠眺玉

山寒東邊烽煙無消息強把茱萸醉霞觴

臨行賦別

暫來借信宿恍惚若經年畱連繁華色眺望佳山川
尚方半月祿倍勝萬頃田愛客意無窮臨別殊憮然
菊月十二日寓鮮館早聞東江沈大將軍報捷

志喜

驕虜犯宮闕璽書招英豪元帥運武略三軍破虎狼
徘徊苦相憶館舍正寂寥今朝來報捷喜氣溢昂霄
天啓元年辛酉頒 登極詔使翰林院編修劉鴻

訓

開讀紀事

四月十二日 國王躬率世子及文武羣臣

出郭恭迎 詔勅欣惟是日樂舞前導之盛

老穉夾觀之繁具見舉國欽承摯意乃龍亭

甫陞殿驟雨大至 王及世子官僚屏息階

下幄次廊廡間無譁稍俟設置既定雨止雍

容成禮纖悉曲中洵可贊尚越二日休沐之

暇偶拈五言古風一章用志厥美

銜鳳丹將吐函芝此日開碧蹄五夜雨灑道絕塵埃
霽色來畿甸歡聲勃若雷旗纛輕旖旎仙馭引蓬萊

九旒躬伏迓一索謹趨陪
劒珮鏘鏘度簪紳濟濟材
萬舞紛前導千容輪軸回
皇澤原大沛漢詔及時
來百拜承天語嵩呼接上台
金石和雅奏禮數肅
雍哉文教名邦洽九服
弁倫魁吾生本齊魯仰止尼
山隈每覲有禮人心醉與徘徊
矧茲八區間絃誦湛
英才洋洋吾黨風景物類徂徠
目擊浮耳聞企美何
崔嵬勞人小憇餘走筆贈瓊瑰

天啓二年壬戌監軍御史梁之垣

王京卽事

海東化國古朝鮮百世箕封德澤綿冠冕人人存


禮樂詩書戶戶聽歌絃漢家文獻河間派晉代風流
江左傳允武更今思魯頌獲夷好共勒燕然


別宮開宴

海邦華宴敞王家堂遶嵐雲作幕遮蔬摘島芝堪
當藥杯含山翠卽餐霞玉簫曲奏龍宮調寶葉枝開
上苑花公子更看麟趾瑞舉觴德器著溫嘉

皇華集拾遺

終





華

自